

Bosna i Hercegovina
Federacija Bosne i Hercegovine
Hercegovačko-neretvanski kanton
SKUPŠTINA
Broj: 02-02-078/23
Mostar, 01.02.2023. godine

IZVOD IZ ZAPISNIKA
sa četvrte (IV) redovne sjednice Skupštine
Hercegovačko-neretvanskog kantona

Sjednica je održana dana 01.02.2023. u dvorani Skupštine Hercegovačko-neretvanskog kantona u Mostaru sa početkom rada u 11:00 sati.

Sjednicu je otvorio Tomislav Martinović zamjenik predsjedavajućeg Skupštine Hercegovačko-neretvanskog kantona.

Sekretar Skupštine, Željka Čule, obavila je prozivku.

Prisutni: Džafer Alić, Daniel Babić, Slavko Bilić, Marija Bošković, Ivana Buntić-Jovanović, Damir Džeba, Josip Grbavac, Sadina Hejub, Omer Hujdur, Salmir Kaplan, Zoran Krešić, Harun Kurtović, Nedžad Maksumić, Tomislav Martinović, Marija Matuško, Zoran Mikulić, Danijela Mišura, Kemal Muratović, Ivan Odak, Iva Raguž, Oliver Soldo, Dragica Suša, Vesna Šunjić, Mirko Vasilj, Nermin Vrtić, Arman Zalihić, Zora Dujmović, Vesna Saradžić i Ismet Lulić.

Odsutni: Irma Memidžan.

Konstatovano je da je na sjednici prisutno **29** poslanika, te da postoji kvorum za rad i punovažno odlučivanje.

Prisutni po pozivu: predstavnici Vlade, predstavnici međunarodnih organizacija i predstavnici sredstava javnog informisanja.

Sjednica je javna, snimana je i snimci su sastavni dio ovog Izvoda iz zapisnika.

Zamjenik predsjedavajućeg Skupštine HNK Tomislav Martinović obavijestio je poslanike da je u materijalima dostavljen prijedlog dnevnog reda koji je utvrdio Kolegij Skupštine.

Otvorena je rasprava po prijedlogu dnevnog reda.

U raspravi nije nitko učestvovao.

Obavljeno je glasanje o prijedlogu dnevnog reda četvrte (IV) redovne sjednice Skupštine HNK.

Nakon glasanja konstatovano je da je dnevni red četvrte (IV) redovne sjednice Skupštine HNK jednoglasno usvojen.

Zamjenik predsjedavajućeg Skupštine HNK Tomislav Martinović predložio je slijedeći dnevni red:

1. Prijedlog Odluke o osnivanju privremene Komisije za zakonodavno-pravna pitanja;
2. Prijedlog Odluke o osnivanju privremene Komisije za praćenje rada MUP-a, ljudska prava i građanske slobode;
3. Poslanička pitanja;
4. Prijedlog Zakona o zaštiti od požara i vatrogastvu u HNK;
5. Prijedlog Zakona o dopunama Zakona o sudskim taksama sa Tarifom (skraćeni postupak);

6. Prijedlog Odluke o potvrđivanju imenovanja zamjenika kantonalnog javnog pravobranioca u kantonalnom javnom pravobranilaštvu Hercegovačko-neretvanskog kantona;
7. Zaključak o rukovođenju Skupštinom HNK.

Obavljeno je glasanje da se o Prijedlogu Zakona o dopunama Zakona o sudskim taksama sa Tarifom raspravlja po skraćenom postupku.

Nakon glasanja jednoglasno je konstatovano da se o Prijedlogu Zakona o dopunama Zakona o sudskim taksama sa Tarifom raspravlja po skraćenom postupku.

Otvorena je rasprava po prijedlogu dnevnog reda.

U raspravi nije nitko učestvovao.

Obavljeno je glasanje o prijedlogu dnevnog reda četvrte (IV) redovne sjednice Skupštine HNK.

Nakon glasanja konstatovano je da je dnevni red četvrte (IV) redovne sjednice Skupštine HNK jednoglasno usvojen.

Usvojeni Dnevni red:

- 1. Prijedlog Odluke o osnivanju privremene Komisije za zakonodavno-pravna pitanja;**
- 2. Prijedlog Odluke o osnivanju privremene Komisije za praćenje rada MUP-a, ljudska prava i građanske slobode;**
- 3. Poslanička pitanja;**
- 4. Prijedlog Zakona o zaštiti od požara i vatrogastvu u HNK;**
- 5. Prijedlog Zakona o dopunama Zakona o sudskim taksama sa Tarifom (skraćeni postupak);**
- 6. Prijedlog Odluke o potvrđivanju imenovanja zamjenika kantonalnog javnog pravobranioca u kantonalnom javnom pravobranilaštvu Hercegovačko-neretvanskog kantona;**
- 7. Zaključak o rukovođenju Skupštinom HNK.**

1. Prijedlog Odluke o osnivanju privremene Komisije za zakonodavno-pravna pitanja

Zamjenik predsjedavajućeg Skupštine HNK Tomislav Martinović je pročitao prijedlog Kolegija Skupštine:

Osniva se privremena Komisija za zakonodavno pravna pitanja Skupštine Hercegovačko-neretvanskog kantona.

Članovi Komisije su:

- | | | |
|------------------------|---|---------------------------|
| 1. Daniel Babić | - | predsjedavajući |
| 2. Džafer Alić | - | zamjenik predsjedavajućeg |
| 3. Tomislav Martinović | - | član |
| 4. Vesna Saradžić | - | član |
| 5. Željka Čule | - | član |
| 6. Musair Penava | - | član |

Otvorena je rasprava.

U raspravi su učestvovali: Zoran Mikulić i Tomislav Martinović.

Obavljeno je glasanje o Prijedlogu Odluke o osnivanju privremene Komisije za zakonodavno-pravna pitanja.

Većinom glasova „Za“, uz 5 „Suzdržanih glasova“, usvojen je Prijedlog Odluke o osnivanju privremene Komisije za zakonodavno-pravna pitanja.

2. Prijedlog Odluke o osnivanju privremene Komisije za praćenje rada MUP-a, ljudska prava i građanske slobode

Zamjenik predsjedavajućeg Skupštine HNK Tomislav Martinović je pročitao prijedlog Kolegija Skupštine:

Osniva se privremena Komisija za praćenje rada MUP-a, ljudska prava i građanske slobode Skupštine Hercegovačko-neretvanskog kantona.

Članovi Komisije su:

1. Nedžad Maksumić - predsjedavajući
2. Slavko Bilić - zamjenik predsjedavajućeg
3. Kemal Muratović - član
4. Zoran Krešić - član

Otvorena je rasprava.

U raspravi su učestvovali: Arman Zalihić, Tomislav Martinović, Ismet Lulić i Džafer Alić.

Usljedila je **pauza** od 5 minuta radi konzultacija o izboru članova Privremene komisije za praćenje rada MUP-a, ljudska prava i građanske slobode.

Nakon konzultacija zamjenik predsjedavajućeg Skupštine HNK Tomislav Martinović pročitao je Prijedlog Odluke o osnivanju privremene Komisije za praćenje rada MUP-a, ljudska prava i građanske slobode, u čijem su sastavu slijedeća imena:

1. Nedžad Maksumić - predsjedavajući
2. Slavko Bilić - zamjenik predsjedavajućeg
3. Omer Hujdur - član
4. Zoran Krešić - član

Obavljeno je glasanje o Prijedlogu Odluke o osnivanju privremene Komisije za praćenje rada MUP-a, ljudska prava i građanske slobode.

Nakon glasanja konstatovano je da je Prijedlog Odluke o osnivanju privremene Komisije za praćenje rada MUP-a, ljudska prava i građanske slobode jednoglasno usvojen.

3. Poslanička pitanja

IVAN ODAK:

Poslaničko pitanje Zavodu zdravstvenog osiguranja HNK/K:

Poštovani, koji dokument Vlade i nadležnog ministarstva je dozvolio Radi Bošnjaku da upravlja Zavodom? Natječaj za imenovanje ravnatelja ZZO-a se poništava nakon 5 godina kad gospodin Bošnjak daje ostavku na nepostojeće imenovanje!? S kojom firmom je ZZO radio sustav e-zdravstvo koji je iskazan u financijskom planu za 2023. godinu?

Poslanička inicijativa upućena Zavodu zdravstvenog osiguranja HNK:

Tražim da se obavezno sa financijskog koda 821 500, dio sredstava u iznosu od 2.700.000,00 KM u Financijskom planu ZZO-a HNK-a za 2023. godinu, namijenjena za implementaciju e-zdravstva, prebaci na financijski kod 613 941, usluge primarne zdravstvene zaštite po ugovoru.

IVA RAGUŽ:

Poslanička inicijativa upućena Zavodu zdravstvenog osiguranja HNK:

Na temelju člana 83 Poslovnika Skupštine HNK-a upućujem ZZO-u HNK-a inicijativu, da se domovima zdravlja u HNŽ-u koji imaju potrebu kupe uređaji za transkutano mjerenje bilirubina, odnosno mjerenje bilirubina kroz kožu.

VESNA SARADŽIĆ

Poslaničko pitanje:

Otpad i način na koji se njime upravlja uzrokuje emisije u vodu, zrak i tlo koje mogu uticati, tačnije i te kako utiču na zdravlje ljudi i okolinu, a koliki je uticaj zavisi od količine i svojstva otpada te od načina na koji se s njim postupa. Uspostavom integralnog sistema upravljanja otpadom ostvaruje se cilj zaštite okoline. Zakon o upravljanju otpadom HNK-a je usvojen 2006., isti je usklađen sa federalnim zakonom i njime je predviđeno donošenje kantonalnog plana upravljanja otpadom, uspostavljanje centra za prikupljanje podataka i informacije o otpadu na području kantona, te uspostavljanje baze podataka o svim vrstama otpada, uvezano za federalnim i lokalnim nivoom. Međutim, usvajanjem navedenog zakona rok za podnošenje plana upravljanja otpadom HNK-a je bio 12 mjeseci od stupanja na snagu ovog zakona. S obzirom da je prošlo 17 godina, da svjedočimo velikom porastu malignih oboljenja, nekontrolisanim deponijama svuda oko nas, pitanje za Ministarstvo građenja, prostornog uređenja i zaštite okoline HNK-a, zbog čega HNK-a još uvijek nema usvojen plan upravljanja otpadom, koji kako je u zakonu navedeno, citiram, „dugoročno određuje i usmjerava ciljeve upravljanja otpadom u skladu sa ukupnim privrednim, društvenim i kulturnim razvojem na području HNK-a“, završen citat, i čije neusvajanje direktno utiče na zdravlje stanovništva i kvalitet turističke ponude.

Poslanička inicijativa:

Poslaničku inicijativu upućujem na osnovu člana 83 Poslovnika Skupštine HNK-a, inicijativa se odnosi za Izmjene i dopune Zakona o Službenim novinama HNK-a, Službene novine HNK-a broj 2/98.

DANIJELA MIŠURA:

Poslanička inicijativa:

Predmet, zahtjev za uvrštavanje u dnevni red na sljedećoj sjednici Skupštine HNK-a. Poštovani, tražim da se u dnevni red iduće sjednice uvrsti sljedeća točka: Prijedlog Odluke o izmjenama Odluke o osnivanju lovišta u HNK-u, broj 01-01-02 1946/15 od 28.12.2015. godine.

SALMIR KAPLAN:

Poslaničko pitanje 1:

Zastupničko pitanje je za Zavod zdravstvenog osiguranja HNK-a, za tu v.d. direktoricu, odnosno za Radu Bošnjaka, zahtijevam da mi se dostavi nacionalna struktura svih zaposlenih, s posebnim akcentom na nacionalnu strukturu rukovodećih kadrova?

Poslaničko pitanje 2:

Pitanje za gospodina premijera a glasi, uvaženi premijeru kada planirate uraditi svoju zakonsku obavezu i penzionisati osobu koja se nalazi na poziciji sekretara Vlade?

MARIJA MATUŠKO:

Poslanička inicijativa:

Podnosim inicijativu za nabavku vatrogasnog vozila Općini Neum.

VESNA ŠUNJIĆ:

Poslaničko pitanje 1:

Poslaničko pitanje za gospodina Hercega, koje mjera Vlada HNK-a kao osnivač, odnosno suosnivač, planira poduzeti u slučaju da bolnice u HNŽ-u financijsku 2022. godinu završe s gubitkom?

Poslaničko pitanje 2:

Poslaničko pitanje za Zavod zdravstvenog osiguranja, gdje molim da mi se dostave sljedeći podaci, iznos sufinanciranja banjskog liječenje po indikacijama, iznos sufinanciranja ortopedskih i drugih pomagala po kategorijama definiranim odlukom o visini sudjelovanja Zavoda zdravstvenog osiguranja i iznos bolovanja ostvarenih na ime njege člana obitelji starijeg od 15 godina.

Poslanička inicijativa 1:

Poslanička inicijativa za gospođu Vidačak, izmijeniti Pravilnik o uvjetima i načinu ostvarivanja prava na ortopedska i druga pomagala na način da se korisnicima ortopedskih i drugih pomagala omogući sloboda izbora i isporučitelja istih.

Poslanička inicijativa 2:

Za gospodina Hercega premijera, podnosim zastupničku inicijativu za raskidanje koncesijskog ugovora za kamenolom „Zukulja“ u Kutu Livču.

JOSIP GRBAVAC:

Poslaničko pitanje:

Na temelju člana 83 Poslovnika Skupštine HNK-a podnosim zastupničko pitanje ministru gospodarstva u svezi provedbe javnog poziva za dodjelu financijske potpore iz sredstava ministarstva gospodarstva sa pozicije subvencije privatnim poduzećima i poduzetnicima, tražim odgovore na sljedeće-jeli ministar mijenjao sastav već imenovanog povjerenstva za provedbu spomenutog javnog poziva za vrijeme trajanja procedure i ako jeste zašto? Također tražim da mi se dostavi rješenje o imenovanju povjerenstva, kao i njihovo detaljno izvješće o radu i konačan prijedlog povjerenstva o raspodjeli korisnicima financijske potpore iz sredstava proračuna HNŽ-a. Zašto nisu u cilju transparentnosti objavljeni popisi svih koji su aplicirali na javni poziv, ne samo oni koji su dobili već i oni koji nisu, a ispunili su uvjete iz javnog poziva? Kako je moguće i na temelju kojih kriterija da su sredstva dobili neki poslovni subjekti sa 2 ili 3 zaposlena, a oni sa 200 i više nisu dobili nikako poticaj?

OMER HUJDUR:

Poslaničko pitanje 1:

Koje su procedure oko raskidanja koncesionog ugovora sa koncesionarom „Hercegovina građevinsko zanatstvo“ za izgradnju objekata mini hidro elektrane Buna I i Buna II, odnosno prekidanje koncesije za korištenje vode rijeke Neretve i Bune za proizvodnju električne energije? Dali će ministar Jović dok je još uvijek na čelu ministarstva poljoprivrede, šumarstva i vodoprivrede pokrenuti proceduru raskida ove koncesije i kada?

Poslanička inicijativa 1:

Predlažem da se Bunski kanali proglase zaštićenim područjem i na tom lokalitetu zabrani bilo kakva aktivnost i promjena prirodnog izgleda djelovanjem ljudskog faktora.

Poslaničko pitanje 2:

Mislim da smo svi zastupnici u Skupštini, kao i ministri u Vladi dobili ovo pismo iz firme „Mio company“, moje pitanje je, da nam se ministarstvo izjasni po ovom pitanju i da daju odgovor na ove optužbe koje im se stavljaju na teret.

Poslanička inicijativa 2:

Predlažem da se poništi inicijativa na ovo pitanje, isto predlažem da se poništi odluka ministarstva privrede broj 01-11-676/22, smijeni povjereništvo koje je vršilo raspodjelu sredstava za poticaje, te imenuje novo koje će transparentno i uredno završiti ovaj posao.

Poslanička inicijativa 3:

Vežano za Majdan-Kuti. Predlažem da se pomenutom investitoru zastupanom po Ahmetu Hadžiomeroviću i Altanu Mustafiju dodijeli neka druga lokacija koja će biti udaljena od naselja i neće ugrožavati život i zdravlje ljudi. Kao što je kolegica Vesna rekla znači okolinska dozvola je poništena, investitori su nam rijetki na ovim područjima, da bi udovoljili i društvenoj zajednici i stanovništvu i investitoru znači predlažem da se odredi neka nova lokacija koja je udaljena od naselja i dodijeli ovom investitoru znači Majdan. Kuti.

HARUN KURTOVIĆ:**Poslanička inicijativa:**

Zastupničku inicijativu podnosim Pedagoškom zavodu HNK-a, Zavodu za školstvo HNK-a i Ministarstvu obrazovanja, nauke, kulture i sporta, a tiče se izrade plana podrške za učenike s poteškoćama u razvoju, odnosno stručne obuke za asistente u nastavi u radu sa djecom sa poteškoćama u razvoju.

MIRKO VASILJ:**Poslanička inicijativa:**

Podnosim zastupničku inicijativu za usvajanje Zakona o uporabi znakovnog jezika u HNŽ-u. Znači ovim putem dostavljam tu inicijativu Vladi HNK-a da u hitnom postupku usvoji Zakon o uporabi znakovnog jezika, čiji je nacrt prihvaćen od strane Skupštine HNK-a 30.03.2014. godine sa zaključkom broj, evo da ne čitam, od 30.03.2014.

ARMAN ZALIHIC:**Poslaničko pitanje:**

Više zastupnika je problematiziralo ovu priču poticaja koje je dodjeljivalo Ministarstvo gospodarstva, ja ću problematizirati jedan drugi natječaj o kojem sam i zadnji put govorio, a to je poticaj za jačanje turističkih kapaciteta, Ministarstvo turizma HNK-a, i ja sam našao jednu grešku, tamo sam našao da je napravljena greška u samom javnom pozivu, odnosno da je poziv bio raspisan do 9. siječnja iako je trebalo proceduru završiti do kraja prošle godine jer su sredstva bila garantovana proračunom za prošlu godinu. Dobio sam čak i neki odgovor od ministra Faladžića, izvinite od ministra Teletovića, mada sam jeli ja postavio pitanje o jabukama, a dobio odgovor o kruškama. Međutim, desila se još jedna stvar koju ni ja nisam vidio u tom pozivu, a to je da tamo stoji da se na javni poziv mogu javiti samo oni turistički djelatnici i lica koja su registrirana po Zakonu o turizmu HNK-a. Kad su došli rezultati vidio sam u rezultatima da je veliki broj objekata koji su registrirani na federalnom nivou, odnosno slijedom Zakona o turizmu Federacije, odbijeno iz tog razloga što je uvjet za dobivanje bio da su registrirani na nivou našeg kantona. Smatramo da to na neki način nije ustavno, dakle ja se sad pitam i molim da mi pojasnite to, evo premijer je ovdje, HNK-a je dio F BiH i vi onemogućite da se na javni poziv javi neko ko je registriran putem federalnog ministarstva turizma, a nije registriran na nivou kantona!? Dakle, u javnom pozivu, u rezultatima javnog poziva piše da je odbijena prijava za poticaj zato što je kategorizacija izvršena putem Federacije, a nije putem Zakona o turizmu HNK-a, a šifra djelatnosti ugostiteljskog objekta je jednaka, pogledajte rezultate javnog poziva, čak smatram da neko ako ima pravnog znanja od tih koji su odbijeni ima pravo da ide na sudske distance da zadovolje na kraju svoju pravdu. To je što se tog pravnog dijela tiče. Što se tiče priče o poticaju, ona je katastrofalna, još gora nego ova koja se dešavala kroz

ministarstvo gospodarstva. Tamo se dešava da tamo nema nikakve strategije turizma, da je to postao javni poziv za jačanje turističkih kapaciteta na način da je to postala, evo izvinjavam se svakome ko je dobio, ali sadaka, nekih kuća za odmor koji se zadovoljavaju sa nekih 1.000, 2.000, 3.000 KM, oni koji su stranački miljenici dobiju 10.000, 15.000 KM i mislim da na taj način ničim ne doprinosimo da jačamo neke turističke kapacitete, da uopšte nemamo viziju razvoja turizma u HNK-a i da nije ono to čime se treba baviti to resorno ministarstvo i da dobro moramo razmisliti za iduće godine kako ćemo uložiti ta sredstva koja će polučiti rezultat. Osim toga mislim da nam je i Turistička zajednica u lošem stanju u našem kantonu, da evo gradonačelnik naš Mostara gospodin Kordić izađe za Novu godinu i kaže da 30.000 gostiju je spavalo za Novu godinu u Mostaru, gdje su ti podaci na papiru, ko je to izbrojao, a onda gradonačelnica Sarajeva gospođa Karić izađe i kaže da je u Sarajevu spavalo 11.000 gostiju, ali Karić izađe i donese papir iz turističke zajednice ali sa prijavama noćenja, a gdje su naše prijave i koliko je za Novu godinu u Mostaru putem Turističke zajednice gostiju prijavilo noćenje!?! Mislim da su to neki nedostaci o kojima moramo razmišljati i da u tom smjeru moramo rješavati stvari u Ministarstvu turizma i u Turističkoj zajednici našeg kantona. Hvala.

NEVENKO HERCEG, predsjednik Vlade HNK

Lijep pozdrav svima, gospodine predsjedavajući, uvažene kolegice i kolege zastupnici, članovi Vlade. Stalno se protežu neka pitanja i evo malo sam konzultirao dvojicu kolega ministara, prije svega ministra Jovića i ministra Balića u svezi ovih dvojbjenih koncesija koje se tiču kamenoloma „Zukulja“, Majdan-Kuti i Bunskih kanala, mi smo se jasno više puta očitovali oko toga i ja osobno kao predsjednik Vlade i sveučilišni profesor na tu temu i sad ću ovdje javno potvrditi da stojim iza svega onoga što sam kazao i za Bunske kanale i Majdan-Kuti i za sve ostale koncesije. Međutim, ne trebamo dalje ići od onoga što je upravni postupak dobivanja kad su u pitanju Bunski kanali, 2014. prije ove Vlade, Vlada je dala koncesiju na Bunske kanale, na temelju raspoloživih suglasnosti, urbanističke suglasnosti, prostornog plana tada Grada Mostara i okolišne suglasnosti, odnosno okolišne dozvole kao pravnog instituta. Sada novim odlukama Gradskog vijeća jer su dokinute te suglasnosti da tako kažem, međutim koncesijski ugovor koji se potpiše nakon odluke vlade, nakon prijedloga resornog ministarstva, je obligatorni dokument. Mi smo vrlo odgovorni u tome smislu i u svom radu nepunih 8 godina nismo stvorili nijednu sudsku izričnu konačnu presudu. Znači moramo pažljivo razmišljati o tome, a zatekli smo 60.000.000,00 KM ja mislim sudskih presuda, od toga platili 30.000.000,00 KM sudskih presuda. Jučer smo platili 2.200.000,00 KM između ostalog, samo kao podsjetnik. Znači moramo pažljivo to raditi, ako to resorna ministarstva i zato bih kolegice Šunjić zamolio da pitanja adresirate na one adrese, znači resorno ministarstvo u tom slučaju je ministarstvo gospodarstva kad je u pitanju Majdan-Kuti i ministar Laketić i te aktivnosti će se dovest do kraja, ali ne smijemo preko koljena to lomiti, vi ste zakonodavna vlast, mi smo izvršna vlast. Ako je lomimo preko koljena stvorit ćemo teret novih presuda i obaveza na razini županije. Ako neko nije to do sada završio, to ne znači da neće ili da nije htio, nego jednostavno taj postupak se mora dovest do kraja kako ne bi županiju opteretili od strane investitora sa novim milijunima presuda. Ponosan na to da u svom mandatu, evo nepunih 8 godina, ova Vlada nije nijednu presudu producirala i stvorila teret na županiju. Vi ste zakonodavna, mi smo izvršna vlast, ali smo županijska vlast, neko je sad pozicija, neko opozicija i tako bih te zamolio da s tim pretjerano ne licitiramo, nećemo mi ništa učiniti dalje od onoga što je učinilo i Gradsko vijeće i što je naša obveza. Ako nismo to do sad uradili, ako ministar Jović nije stigao, to pitanje se također tangira i našega županijskog pravobranitelja, znači vrlo odgovorno, vrlo savjesno postupamo kad su te koncesije u pitanju. Zato vas molim da imamo razumijevanja i nećemo ništa učiniti mimo onoga što ste i vi govorili. Zahvaljujem.

A kolega Zalihiću, ja mislim da dobar dio toga što ste vi kazali ja potpisujem, osobito kad je u pitanju Turistička zajednica, katastrofa naša, inače turističke zajednice u Federaciji, pa i u

županijama to nema nigdje na svijetu da imaju javni prihod, a ponašaju se kao nevladin sektor, da ja kao premijer na to ne mogu utjecati, kao ni vi kolega koji ste zastupnik oporbe. Međutim, donijeli smo zakon, ne tako davno i ja mislim da taj zakon prije svega omogućava formiranje općinskih i gradskih turističkih zajednica, formiranje nove skupštine turističke zajednice, novog turističkog vijeća, i gospodine Kaplane vidite tamo koliko ljudi obnaša dužnost direktora a u mirovini je već godinu, 2, 3, itd. Budite malo dosljedni, konzistentni, da, da, ovo je malo šale ali i zbilje, ja podržavam i kao bivši ministar turizma i sveučilišni profesor i stojim na tome, ali što se tiče raspodjele sredstava ako su kategorizacije u pitanju vi znate da županija radi kategorizaciju 2, 3 zvjezdice, a 4 i 5 radi Federacija. Moguće da je tu bila ta distinkcija u natječajnoj proceduri, moguće, ali što se tiče osnivanja sva se poduzeća, pa i turizmu osnivaju na isti način sukladno zakonu o poduzećima, itd., tako da to ne bi smjelo biti, jedino može biti u pitanju kategorizacija ugostiteljskih i turističkih objekata.

4. Prijedlog Zakona o zaštiti od požara i vatrogastvu u HNK

Obrazloženje su dali Eugen Čubela direktor Uprave za Civilnu zaštitu i vatrogastvo, i Mladen Čabrilo.

Mladen Čabrilo je u obrazloženju naveo slijedeće tehničke popravke spomenutog Zakona:

U članu 52. gdje je bilo definisano da se obavezno formiraju vatrogasne postrojbe profesionalne u cilju poboljšanja, predlagač je stavio znači mogu da se osnuju profesionalne vatrogasne postrojbe, a u drugom članu smo znači dali mogućnost da lokalna zajednica znači tamo gdje nema mogućnost da formira svoju vatrogasnu postrojbu da se drugom lokalnom zajednicom znači potpiše sporazum, tako da ta druga lokalna zajednica obavlja za njih te poslove.

U članu 61. koji definira postavljenja zapovjednika vatrogasnih postrojbe, gdje je to definisano, pisalo je član 88, a dodati su članovi 60., 87. i 88., gdje članovi 60., 87. i 88. definiraju da se odnosi za profesionalne vatrogasce koji imaju VII stupanj stručne spreme, znači zakon o državnim službenicima, a da se za vatrogasce koji imaju SSS III i IV, odnosno VI stupnja, odnosi zakon o namještenicima. Zatim da moraju imati određene psihofizičke sposobnosti, kao i da načelnici, odnosno gradonačelnici postavljaju putem javnog oglasa znači te zapovjednike, odnosno ti zapovjednici su dužni svake godine dostaviti izvješća i onda taj predlagač razmatra ako je taj zapovjednik, odnosno postrojba zadovoljila on dobiva pozitivnu ocjenu kao i državni službenici, znači ista procedura.

U članu 96. malu korekciju radi usuglašavanja sa odlukama vezano za inspektorate i inspektore koji imaju znači isto kao i profesionalni vatrogasci dodatak prema zakonu o državnim službenicima, uvećan za 30%, znači to se odnosi i za inspektore, znači tamo da bude pojašnjeno, da ne bi došli u zabludu.

U članu 129., tačka 1. se briše, a točke 2, 3 i 4 postaju 1, 2, 3, itd.

Ispred privremenog zakonodavno pravnog- povjerenstva obrazloženje je dao Daniel Babić, predsjednik istog:

Na temelju članka 34 stav 1 Poslovnika o radu Skupštine HNK-, privremena komisija za zakonodavno-pravna pitanja je na 1. sjednici održanoj 01.02.2023. godine u općem pretresu razmatralo Prijedlog Zakona o zaštiti od požara i vatrogastvu HNK-a te donijelo sljedeće mišljenje: postoji ustavni i zakonski osnova za donošenje zakona, te je isti dostavljen od strane ovlaštenog predlagača.

Privremena komisija za zakonodavno-pravna pitanja nema formalnih primjedbi na Prijedlog Zakona o zaštiti od požara i vatrogastvu u HNK-a, te se kao takav može uputiti u daljnju skupštinsku proceduru.

Otvorena je rasprava.

U raspravi su sudjelovali: Vesna Saradžić, Adnan Faladžić, Oliver Soldo, Kemal Muratović, Arman Zalihić, Marija Matuško, Omer Hujdur, Damir Džeba, Vesna Šunjić i Dragica Suša.

Poslanica **Dragica Suša** predložila je slijedeći **amandman**:

U preambuli Zakona poslije riječi „broj 2/98,4/00 i 7/04“ dodaje se „6/21“.

Poslanica **Vesna Šunjić** predložila je slijedeće **amandmane**:

Amandman 1.

Član 7.

Dodati stavak

„6) organizira profesionalnu zajedničku vatrogasnu postrojbu za gašenje požara na području županije i osigurava kadrovske, materijalne, tehničke i druge potrebe za efikasno funkcioniranje vatrogastva na području županije i odgovorna je za funkcioniranje vatrogastva u općinama i gradu na području kantona, u skladu s ovim zakonom i propisima kantona;

Amandman 2.

Član 9.

Nadležnost kantonalne uprave

Dodati „civilne zaštite“.

Amandman 3.

Član 51. (Vatrogasne snage)

Izbrisati stav 2.

2) Profesionalna vatrogasna postrojba je upravna organizacija u sastavu tijela uprave samostalno ili u sklopu službe civilne zaštite i vatrogastva.

Poslanik **Džafer Alić** predložio je slijedeći **amandman**:

U članu 5. (Popularizacija zaštite od požara i vatrogasne djelatnosti) u stavu 2. dodaju se riječi. „4. maja“ a brišu se riječi „tijekom maja i oktobra“.

Klub poslanika SDA u Skupštini HNK predložila je slijedeće **amandmane**:

Amandman 1.

U članu 96. (plaće i naknade) u stavu 1 riječi: „za 30%“ zamjenjuju se riječima „do 30%“.

Amandman 2.

U članu 110. (Finansiranje vatrogastva) u tački a) riječi: „ukupnih prihoda“ zamjenjuju se riječima „poreznih prihoda“ i dodaju se riječi „a što utvrđuje Vlada prijedlogom Budžeta“.

Poslanik **Arman Zalihić** predložio je slijedeći **amandman**:

U članu 60. stav 3. točka b) iza riječi: „jedinicama“ briše se interpunkcijski znak. „tačka sa zarezom“ i dodaju riječi: „na poslovima komandira voda ili odjeljenja“.

Na prijedlog zamjenika predsjedavajućeg Tomislava Martinovića prihvaćeno je da se obavi rasprava o slijedećim tačkama dnevnog reda kako bi se Vlada HNK mogla odrediti prema uložnim amandmanima na Prijedlog Zakona o zaštiti od požara i vatrogastvu u HNK.

5. Prijedlog Zakona o dopunama Zakona o sudskim taksama sa Tarifom (skraćeni postupak)

Obrazloženje je dao Suad Balić, ministar pravosuđa uprave i lokalne samouprave u Vladi HNK.

Ispred privremene zakonodavno pravne komisije obrazloženje je dao Daniel Babić, predsjednik istog:

Na osnovu člana 34, stav 1 Poslovnika o radu Skupštine HNK-a, privremena komisija za zakonodavno pravna pitanja razmatrala je na općem pretresu Prijedlog Zakona o dopunama Zakona o sudskim taksama sa Tarifom, te je jednoglasno donijelo sljedeće mišljenje:

Postoji ustavni i zakonski osnov za donošenje prijedloga zakona i isti je dostavljen od strane ovlaštenog predlagача, privremena komisija nema formalnih primjedbi na sami tekst zakona i ispoštovana je poslovnička procedura po pitanju donošenja zakona po skraćenom postupku i isti se može uputiti u daljnju skupštinsku proceduru.

Otvorena je rasprava.

U raspravi nije nitko učestvovao.

Obavljeno je glasanje o Prijedlogu Zakona o dopunama Zakona o sudskim taksama sa Tarifom (skraćeni postupak).

Nakon glasanja konstatovano je da je Prijedlog Zakona o dopunama Zakona o sudskim taksama sa Tarifom (skraćeni postupak) jednoglasno usvojen.

6. Prijedlog Odluke o potvrđivanju imenovanja zamjenika kantonalnog javnog pravobranioca u kantonalnom javnom pravobranilaštvu Hercegovačko-neretvanskog kantona

Obrazloženje je dao Suad Balić, ministar pravosuđa uprave i lokalne samouprave u Vladi HNK.

Otvorena je rasprava.

U raspravi nije nitko učestvovao.

Obavljeno je glasanje o Odluci o potvrđivanju imenovanja zamjenika kantonalnog javnog pravobranioca u kantonalnom javnom pravobranilaštvu Hercegovačko-neretvanskog kantona, Alisa Pašić-Macić, diplomirani pravnik, imenuje se za zamjenika kantonalnog javnog pravobranioca u kantonalnom javnom pravobranilaštvu Hercegovačko-neretvanskog kantona.

Nakon glasanja konstatovano je da je navedena Odluka usvojena jednoglasno.

7. Zaključak o rukovođenju Skupštinom HNK

Tomislav Martinović predložio je slijedeći Zaključak:

1), Daje se ovlaštenje zamjenicima predsjedavajućeg Skupštine HNK da obavljaju poslove predsjedavajućeg Skupštine HNK.

2), Zaključak stupa na snagu danom donošenja i primjenjivat će se do 01.03.2023. godine, a objavit će se u Službenim novinama HNK.

Obavljeno je glasanje o navedenom Zaključku.

Nakon glasanja konstatovano je da je navedeni Zaključak jednoglasno usvojen.

***Izjašnjavanje o amandmanima na Prijedlog Zakona o zaštiti od požara i vatrogastvu u HNK**

U ime Vlade obrazloženje Vlade o popravcima na tekst spomenutog Zakona i izjašnjavanje o uložnim amandmanima je dao Mladen Čabrilo.

Popravci predlagatelja na tekst spomenutog Zakona su slijedeći:

Član 52., u stavu 2, znači umjesto riječi „obvezno utemeljuje“, na hrvatskoj verziji, odnosno „obavezno osniva“, na bosanskoj verziji, treba da stoji „mogu utemeljiti“, na hrvatskoj verziji, odnosno „mogu osnovati“, na bosanskoj verziji.

Član 61., znači stoji „sukladno članku 88.“, a treba da stoji „sukladno članovima 60., 87. i 88“.

Član 96., dodaju se znači i inspektori u odnosu na 30% povećanje plata, znači član 96. Znači član 96. glasi „zbog posebnih uvjeta rada, težine prirode posla i odgovornosti za obavljanje poslova vatrogastva iz člana 53 ovog zakona, visina sredstava za plate starješina profesionalne vatrogasne jedinice, njihove zamjenike i profesionalne vatrogasce u profesionalnoj vatrogasnoj jedinici, kao i za inspektore iz člana 121., stav 1. i člana 124., stav 2., određuje se kao za državne službenike i namještenike uvećane za 30%, a za ostale zaposlenike organa uprave, civilne zaštite i vatrogastva općina, grada, kantona, koji obavljaju operativne poslove određuje se kao za državne službenike i namještenike uvećane do 20%.“

Član 129., točka 1 se briše, to je šta Vlada Federacije donosi, a tačka 2 postaje tačkom 1, tačka 3 tačkom 2, itd.

Amandman poslanice **Dragice Suša** Vlada HNK je prihvatila.

Amandman poslanika **Armana Zalihić** Vlada HNK je prihvatila.

Amandman 1. i Amandman 2. Kluba poslanika SDA Vlada HNK je prihvatila.

Amandman poslanika **Džafera Alića** Vlada HNK nije prihvatila.

Amandmane poslanice **Vesne Šunjić** Vlada HNK nije prihvatila.

Obavljeno je glasanje o Prijedlogu Zakona o zaštiti od požara i vatrogastvu u HNK.

Većinom glasova „Za“, uz 2 „Suzdržana“ glasa usvojen je Prijedlog Zakona o zaštiti od požara i vatrogastvu u HNK.

Sjednica je završila s radom u 17:30 sati.

ZAMJENICI PREDSDJEDAVAJUĆEG

Tomislav Martinović

Džafer Alić
